



UNIVERSITÄTS-
BIBLIOTHEK
PADERBORN

**Het Paradys Der Gheestelycke en Kerckelycke
Lof-Sangen, Op de principaelste Feest-daghen des
gheheelen Jaers**

Afhakker, Aegidius

T'Antwerpen, 1638

Volghen de Psalmen die inde H. Kercke ghebruyckt worden/ in de Vesper
ende Compleet/ op Sondaghen ende H. daghen.

Nutzungsbedingungen

[urn:nbn:de:hbz:466:1-55104](https://nbn-resolving.org/urn:nbn:de:hbz:466:1-55104)

Volghen de Psalmen die inde
 H. kercke ghebruyckt worden / in de
 Vesper ende Compleet / op Sonda-
 ghen ende H. daghen.

Dominica ad Vesperas.

PSALMVS 109.

Dixit Dominus Domino meo: Sede
 à dextris meis.

Donec ponam inimicos tuos:
 scabellum pedum tuorum.

Virgam virtutis tuę emittet Do-
 minus ex Sion: dominare in medio inimico-
 rum tuorum.

Tecum principium in die virtutis tuę in
 splendoribus sanctorum: ex utero ante luci-
 ferum genui te.

Iuravit Dominus, & non pœnitebit eum:
 Tu es sacerdos in æternum secundum ordi-
 nem Melchisedech.

Dominus à dextris tuis: confregit in die
 irę suę reges.

Iudicabit in nationibus, implebit ruinas:
 conquassabit capita in terra multorum.

De torrente in via bibet: propterea exalta-
 bit caput.

Gloria Patri, & Filio: & Spiritui sancto.
 Sicut erat in principio, & nunc, & semper:
 & in sæcula sæculorum, Amen.

PSALMVS IIO.

Confitebor tibi Dñe in toto corde meo:
in consilio iustorum, & congregatione.
Magna opera Domini: exquisita in omnes
voluntates ejus.

Confessio & magnificentia opus ejus: & ju-
stitia ejus manet in sæculum sæculi.

Memoriam fecit mirabilium suorum, mise-
ricors & miserator Dominus: escam dedit ti-
mentibus se.

Memor erit in sæculum testamenti sui: virtu-
tem operum suorum annuntiabit populo suo.

Vt det illis hereditatem gentium: opera
manuum ejus veritas & iudicium.

Fidelia omnia mandata ejus, confirmata in
sæculum sæculi: facta in veritate & æquitate.

Redemptionem misit populo suo: manda-
vit in æternum testamentum suum.

Sanctum & terribile nomen ejus: initium
sapientiæ timor Domini.

Intellectus bonus omnibus facientibus
eum: laudatio ejus manet in sæculum sæculi.

Gloria Patri, & Filio.

PSALMVS III.

Beatus vir qui timet Dominum: in man-
datis ejus volet nimis.

Potens in terra erit semen ejus: generatio
rectorum benedicetur.

Gloria & divitiæ in domo ejus: & justitia
ejus manet in sæculum sæculi.

Exortum est in tenebris lumen rectis: misericors, & miserator & iustus.

Jucundus homo qui miseretur, & commodat, disponet sermones suos in iudicio: quia in æternum non commovebitur.

In memoria æterna erit iustus: ab auditione mala non timebit.

Paratum cor ejus sperare in Domino, confirmatum est cor ejus: non commovebitur donec despiciat inimicos suos.

Disperfit, dedit pauperibus, iustitia ejus manet in sæculum sæculi: cornu ejus exaltabitur in gloria.

Peccator videbit & irascetur, dentibus suis fremet & tabescet: desiderium peccatorum peribit. Gloria Patri, & Filio.

PSALMVS 112.

Laudate pueri Dominum: laudate nomen Domini.

Sit nomen Domini benedictum: ex hoc nunc & usque in sæculum.

A solis ortu usque ad occasum: laudabile nomen Domini.

Excelsus super omnes gentes Dominus: & super celos gloria ejus.

Quis sicut Dominus Deus noster, qui in altis habitat: & humilia respicit in celo & in terra?

Suscitans à terra inopem: & de stercore erigens pauperem.

Ut collocet eum cum principibus: cum

prin-

principibus populi sui.

Qui habitare facit sterilem in domo : matrem filiorum letantem. Gloria.

PSALMVS II 3.

IN exitu Israel de Ægypto : domus Iacob de populo barbaro.

Facta est Iudæa sanctificatio ejus : Israel potestas ejus.

Mare vidit, & fugit : Iordanis conversus est retrorsum.

Montes exultaverunt ut arietes : & colles sicut agni ovium.

Quid est tibi mare, quod fugisti : & tu Iordanis, quia conversus es retrorsum ?

Montes exultastis sicut arietes : & colles sicut agni ovium.

(Iacob.

A facie Domini mota est terra : à facie Dei

Qui convertit petram in stagna aquarum : & rupem in fontes aquarum.

Non nobis Domine, non nobis : sed nomini tuo da gloriam.

Super misericordia tua, & veritate tua : ne quando dicant gentes, Ubi est Deus eorum ?

Deus autem noster in celo : omnia quęcumque voluit, fecit.

Simulacra gentium, argentum & aurum : opera manuum hominum.

Os habent, & non loquentur : oculos habent, & non videbunt.

Aures habent, & non audient : nares ha-

bent, & non odorabunt.

Manus habent, & non palpabunt pedes habent, & non ambulabunt: non clamabunt in gutture suo.

Similes illis fiant qui faciunt ea: & omnes qui confidunt in eis.

Domus Israel speravit in Domino: adiutor eorum, & protector eorum est.

Domus Aaron speravit in Domino: adiutor eorum, & protector eorum est.

Qui timent Dominum, speraverunt in Domino: adiutor eorum, & protector eorum est.

Dominus memor fuit nostri: & benedixit nobis.

Benedixit domui Israel: benedixit domui Aaron.

Benedixit omnibus qui timent Dominum: pusillis cum majoribus.

Adjiciat Dominus super vos: super vos, & super filios vestros.

Benedicti vos à Domino: qui fecit cælum & terram.

Cælum cæli Domino: terram autem dedit filiis hominum.

Non mortui laudabunt te Domine: neque omnes qui descendunt in infernum.

Sed nos qui vivimus, benedicimus Domino: ex hoc nunc & usque in sæculum.

Gloria Patri, & Filio.

Canticum B. M A R I Æ virginis.

Luc. 1.

Magnificat: anima mea Dominum.
Et exultavit spiritus meus: in Deo
salutari meo.

Quia respexit humilitatem ancille sue: ecce
enim ex hoc beatam me dicent omnes genera-
tiones.

Quia fecit mihi magna qui potens est: &
sanctum nomen ejus.

Et misericordia ejus à progenie in proge-
nies: timentibus eum.

Fecit potentiam in brachio suo: dispersit
superbos mente cordis sui. (miles.

Deposuit potentes de sede: & exaltavit hu-
Esurientes implevit bonis: & divites dimi-
sit inanes.

Suscepit Israël puerum suum: recordatus
misericordie sue.

Sicut locutus est ad patres nostros: Abra-
ham, & semini ejus in secula. Gloria.

Doo? den voo? gaenden Psalm

In exitu, &c. gheb?upckten dickwils
(op Feest-daghen der Heplighen) een
van dese drie nabolgende Psalmen.

P S A L M V S I I S.

Credidi, propter quod locutus sum: ego
cautem humiliatus sum nimis. (dax.
Ego dixi in excessu meo: Omnis homo mē-

Quid retribuam Domino : pro omnibus
quæ retribuit mihi ?

Calicem salutaris accipiam: & nomen Do-
mini invocabo.

Vota mea Domino reddam coram omni
populo ejus : pretiosa in conspectu Domini
mors sanctorum ejus.

O Domine, quia ego servus tuus: ego servus
tuus, & filius ancillæ tuæ.

Dirupisti vincula mea, tibi sacrificabo ho-
stiam laudis: & nomen Domini invocabo.

Vota mea Domino reddam in conspectu
omnis populi ejus: in atrijs domus Domini, in
medio tui Ierusalem. Gloria Patri, & Filio.

PSALMVS 116.

Laudate Dominum omnes gentes: laudate
eum omnes populi.

Quoniam confirmata est super nos miseri-
cordia ejus: veritas Domini manet in æter-
num. Gloria Patri, & Filio.

PSALMVS 131.

Memento Domine David: & omnis mā-
suetudinis ejus. (Iacob.

Sicut juravit Domino: votum vovit Deo

Si introiero in tabernaculum domus meæ: si
ascendero in lectum strati mei.

Si dederō somnum oculis meis: & palpebris
meis dormitationem.

Et requiem temporibus meis, donec inve-
niam locum Domino: tabernaculū Deo Iacob

Ecce

Ecce audivimus eam in Ephrata : inveni-
mus eam in campis silvæ.

Introibimus in tabernaculum ejus : adora-
bimus in loco ubi steterunt pedes ejus.

Surge Domine in requiem tuam : tu & arca
sanctificationis tuæ.

Sacerdotes tui induantur justitiam : & sancti
tui exultent.

Propter David servum tuum : non avertas
faciem Christi tui.

Juravit Dominus David veritatem, & non
frustrabitur eum : De fructu ventris tui ponam
super sedem tuam.

Si custodierint filij tui testamentum meum :
& testimonia mea hæc, quæ docebo eos.

Et filij eorum usque in sæculum : sedebunt
super sedem tuam.

Quoniam elegit Dominus Sion : elegit eam
in habitationem sibi.

Hæc requies mea in sæculum sæculi : hæc
habitabo, quoniam elegi eam.

Viduum ejus benedicens benedicam : pau-
peres ejus saturabo panibus.

Sacerdotes ejus induam salutari : & sancti
ejus exultatione exultabunt.

Illuc producam cornu David : paravi lucer-
nam Christo meo.

Inimicos ejus induam confusione : super ip-
sum autem effloreat sanctificatio mea.

Gloria Patri, & Filio.

De tweede Vesper van Kersmisse
ende het geheele Octave dooz.

Dixit Dominus, &c. Confitebor, &c. Beatus
vir, &c. Als voozen/ Daer na volght

PSALMVS 129.

DE profundis clamavi ad te Domine: Do-
mine exaudi vocem meam.

Fiant aures tuae intendentes: in vocem de-
precationis meae.

Si iniquitates observaveris Domine: Do-
mine quis sustinebit?

Quia apud te propitiatio est: & propter le-
gem tuam sustinui te Domine.

Sustinuit anima mea in verbo ejus: speravit
anima mea in Domino.

A custodia matutina usque ad noctem: spe-
ret Israel in Domino.

Quia apud Dominum misericordia: & co-
piosa apud eum redemptio.

Et ipse redimet Israel: ex omnibus iniqui-
tatibus ejus. Gloria Patri.

Memento Domine, &c. Als voozen.

Op den feest-dagh van het hoogh-
weerdighe heylighe Sacrament des
Autaers ende den gheheele Oc-
tave dooz de Vesper.

Dixit Dominus, &c. Confitebor, &c. Cre-
didi, &c. Als boven volght

PSAL-

PSALMVS 127.

BEati omnes qui timent Dominum: qui
ambulant in vijs ejus.

Labores manuum tuarum quia manducabis:
Beatus es, & bene tibi erit.

Uxor tua sicut vitis abundans: in lateribus
domus tuę.

Filij tui sicut novellę olivarum: in circuitu
mensę tuę.

Ecce sic benedicetur homo: qui timet Do-
minum.

Benedicat tibi Dominus ex Sion: & vide-
as bona Ierusalem omnibus diebus vitę tuę.

Et videas filios filiorum tuorum: pacem su-
per Israel. Gloria Patri.

Daer nae Lauda Ierusalem. Als beneden.

**De tweede Vesper van de H.
Enghelen.**

Dixit Dominus, &c. Confitebor, &c. Beatus
vir, &c. Laudate pueri Dominum.

Als boozen. Volcht

PSALMVS 137.

Confitebor tibi Domine in toto corde
meo: Quoniam audisti verba oris mei.

In conspectu Angelorum psallam tibi: ado-
rabo ad templum sanctum tuum, & confitebor
nomini tuo.

Super misericordia tua, & veritate tua: quo-
niam magnificasti super omne nomen sanctum
tuum.

In quacumque die invocavero te, exaudi me: multiplicasti in anima mea virtutem.

Confiteantur tibi Domine omnes Reges terræ: quia audierunt omnia verba oris tui.

Et cantent in vijs Domini: quoniam magna est gloria Domini.

Quoniam excelsus Dominus, & humilia respicit: & alta à longè cognoscit.

Si ambulavero in medio tribulationis, vivificabis me: & super iram inimicorum meorum extendisti manum tuam, & salvum me fecit dextera tua.

Dominus retribuet pro me: Domine misericordia tua in sæculum, opera manuum tuarum ne despicias. Gloria Patri, & Filio.

De tweede Vesper der Apostelen.

Dixit Dominus, &c. Laudate pueri, &c. Credidi, &c. Als voozen. Daer na volgt:

PSALMVS 125.

IN convertendo Dominus captivitatem Sion: facti sumus sicut consolati.

Tunc repletum est gaudio os nostrum: & lingua nostra exultatione.

Tunc dicent inter gentes: Magnificavit Dominus facere cum eis.

Magnificavit Dominus facere nobiscum: facti sumus lætantes.

Converte Domine captivitatem nostram: sicut torrens in Austro. (metent.

Qui seminant in lacrymis: in exultatione

Eun-

Euntes ibant & flebant: mittētes semina sua.
Venientes autem venient cum exultatione:
portantes manipulos suos. Gloria Patri.

P S A L M V S 138.

Domine probasti me, & cognovisti me: tu
cognovisti sessionem meam, & resur-
rectionem meam.

Intellexisti cogitationes meas de longè: se-
mitam meam, & funiculum meum investigasti.

Et omnes vias meas prævidisti: quia non est
sermo in lingua mea.

Ecce Domine tu cognovisti omnia, novissi-
ma & antiqua: tu formasti me, & posuisti super
me manum tuam.

Mirabilis facta est scientia tua ex me: con-
fortata est, & non potero ad eam. (giam?

Quò ibo à spiritu tuo? & quò à facie tua fu-

Si ascendero in cælum, tu illic es: si descen-
dero in infernum, ades.

Si sumpsero pennas meas diluculo: & ha-
bitavero in extremis maris.

Etenim illuc manus tua deducet me: & te-
nebit me dextera tua.

Et dixi, Forsitan tenebræ conculcabunt me:
& nox illuminatio mea in delicijs meis.

Quia tenebrę non obscurabuntur à te, &
nox sicut dies illuminabitur: sicut tenebrę e-
jus, ita & lumen ejus.

Quia tu possedisti renes meos: suscepisti me
de utero matris meę.

Confitebor tibi, quia terribiliter magnificatus es: mirabilia opera tua, & anima mea cognoscit nimis.

Non est occultatum os meum à te, quod fecisti in occulto: & substantia mea in inferioribus terræ.

Imperfectum meum viderunt oculi tui, & in libro tuo omnes scribentur: dies formabuntur, & nemo in eis.

Mihi autem nimis honorificati sunt amici tui Deus: nimis confortatus est principatus eorū.

Dinumerabo eos, & super arenam multiplicabuntur: exurrexi, & adhuc sum tecum.

Si occideris Deus peccatores: viri sanguinum declinate à me.

Quia dicitis in cogitatione: Accipient in vanitate civitates tuas.

Nōne qui oderunt te Domine, oderam: & super inimicos tuos tabescebam?

Perfecto odio oderam illos: & inimici facti sunt mihi.

Proba me Deus, & scito cor meum: interroga me, & cognosce semitas meas.

Et vide si via iniquitatis in me est: & deduc me in via æterna. Gloria Patri, & Filio.

**De Vesper van onse L. Vrouwe /
ende van de Maeghden / &c.**

Dixit Dominus, &c. Laudate pueri, &c.

Als voozen, Daer na volght:

PSALMVS 121.

Lætatus sum in his, quæ dicta sunt mihi: in domum Domini ibimus.

Stantes erant pedes nostri: in atrijs tuis Ierusalem.

Ierusalem quæ ædificatur ut civitas: cujus participatio ejus in idipsum.

Illuc enim ascenderunt tribus, tribus Domini: testimonium Israel, ad confitendum nomini Domini.

Quia illic sederunt sedes in iudicio: sedes super domum David.

Rogate quæ ad pacem sunt Ierusalem: & abundantia diligentibus te.

Fiat pax in virtute tua: & abundantia in turribus tuis.

Propter fratres meos, & proximos meos: loquebar pacem de te.

Propter domum Domini Dei nostri: quæsiivi bona tibi. Gloria Patri, & Filio.

PSALMVS 126.

Nisi Dominus ædificaverit domum: in vanum laboraverunt, qui ædificant eam.

Nisi Dominus custodierit civitatem: frustra vigilat qui custodit eam.

Vanum est vobis ante lucem surgere: surgite postquam sederitis, qui manducatis panem doloris.

Cum dederit dilectis suis somnum: ecce hereditas Domini, filij; merces, fructus ventris.

Sicut

Sicut sagittæ in manu potentis: ita filij excussorum.

Beatus vir qui implevit desiderium suum ex ipsis: non confundetur cum loquetur inimicis suis in porta. Gloria Patri, & Filio.

PSALMVS 147.

Lauda Ierusalem Dominum: lauda Deum tuum Sion.

Quoniam confortavit seras portarum tuarum: benedixit filiis tuis in te.

Qui posuit fines tuos pacem: & adipe frumenti satiat te.

Qui emittit eloquium suum terræ: velociter currit sermo ejus.

Qui dat nivem sicut lanam: nebulam sicut cinerem spargit.

Mittit crystallum suam sicut buccellas: ante faciem frigoris ejus quis sustinebit?

Emittet verbum suum, & liquefaciet ea: flabit spiritus ejus, & fluent aquæ.

Qui annuntiat verbum suum Iacob: justitias & judicia sua Israel.

Non fecit taliter omni nationi: & judicia sua non manifestavit eis. Gloria Patri, & Filio.

AD COMPLETORIVM.

Converte nos Deus salutaris noster.

Resp. Et averte iram tuam à nobis.

Vers. Deus in adjutorium meum intende.

Resp.

Resp. Domine ad adjuvandum me festina.
Gloria Patri, & Filio.

P S A L M V S 4.

CUm invocarem, exaudivit me Deus justitiæ meæ: in tribulatione dilatasti mihi.
Miserere mei: & exaudi orationem meam.
Filij hominū usquequod gravi corde: ut quid diligitis vanitatem, & quæritis mendacium?

Et scitote quoniam mirificavit Dominus sanctum suum: Dominus exaudiet me, cum clamavero ad eum.

Ira scimini, & nolite peccare: quæ dicitis in cordibus vestris, in cubilibus vestris compungimini.

Sacrificate sacrificium justitiæ, & sperate in Domino: multi dicunt, Quis ostendit nobis bona?

Signatum est super nos lumen vultus tui Domine: dedisti lætitiā in corde meo.

A fructu frumenti, vini, & olei sui: multiplicati sunt.

In pace in idipsum: dormiam, & requiescam.

Quoniam tu Domine singulariter in spe: constituisti me. Gloria Patri, & Filio.

P S A L M V S 30.

IN te Domine speravi, non confundar in æternum: in justitia tua libera me.

Inclina ad me aurem tuam: accelera ut eruas me.

Esto mihi in Deum protectorem, & in do-

mum.

mum refugij: ut saluum me facias.

Quoniam fortitudo mea, & refugium meū es tu: & propter nomen tuum deduces me, & enutries me.

Educes me de laqueo hoc, quem absconderunt mihi: quoniam tu es protector meus:

In manus tuas commendo spiritum meum: redemisti me Domine Deus veritatis. Gloria.

PSALMVS 90.

Qui habitat in adiutorio Altissimi: in protectione Dei celi commorabitur.

Dicet Domino. susceptor meus es tu, & refugium meum: Deus meus, sperabo in eum.

Quoniam ipse liberavit me de laqueo venantium, & à verbo aspero.

Scapulis suis obumbrabit tibi: & sub pennis ejus sperabis.

Scuto circumdabit te veritas ejus: non timebis à timore nocturno.

A sagitta volante in die, à negotio perambulante in tenebris: ab incursu, & dæmonio meridiano.

Cadent à latere tuo mille, & decem millia à dextris tuis: ad te autem non appropinquabit.

Verumtamen oculis tuis considerabis: & retributionem peccatorum videbis.

Quoniam tu es Domine spes mea: Altissimum profuisti refugium tuum.

Non accedet ad te malum: & flagellum non appropinquabit tabernaculo tuo.

Quoniam Angelis suis mandavit de te: ut
custodiant te in omnibus vijs tuis.

In manibus portabunt te: ne fortè offendas
ad lapidem pedem tuum.

Super aspidem & basiliscum ambulabis: &
conculcabis leonem & draconem.

Quoniam in me speravit, liberabo eum: pro-
tegam eum, quoniam cognovit nom^{en} meum.

Clamabit ad me & ego exaudiam eum: cum
ipso sum in tribulatione, eripiam eum, & glo-
rificabo eum.

Longitudine dierum replebo eum: & osten-
dam illi salutare meum. Gloria Patri, & Filio.

PSALMVS 133.

ECce nunc benedicite Dominum: omnes
serui Domini.

Qui stas in domo Domini: in atrijs domus
Dei nostri.

In noctibus extollite manus vestras in san-
cta: & benedicite Dominum.

Benedicat te Dominus ex Sion: qui fecit
cælum & terram. Gloria Patri, & Filio.

Miserere mihi Domine & exaudi oratio-
nem meam.

In manus tuas Domine commendo spiri-
tum meum. In manus, &c.

Redemisti nos Domine Deus veritatis. Cõ-
mendo, &c. Gloria &c. In manus.

Custodi nos Domine ut pupillam oculi. Sub
umbra alarum tuarum protege nos.

Canticum Simeonis.

Luc. 2.

Nunc dimittis servum tuum Domine: secundum verbum tuum in pace.

Quia viderunt oculi mei: salutare tuum.

Quod parasti: ante faciem omnium populorum.

Lumen ad revelationem Gentium: & gloriam plebis tuæ Israel.

Gloria Patri, & Filio.

ANTIPHONA.

Tot lof van onse V. Vrouw.

Alma Redemptoris Mater, qua per via cali
Porta manes, Et stella maris, Succurre cadenti,
Surgere qui curat, populo: Tu que genuisti,
Natura mirante, tuum sanctum Genitorem:
Virgo prius ac posterius, Gabrielis ab ore
Sumens illud Ave, peccatorum miserere.

In den Advent.

Angelus Domini annuntiavit Mariæ.
Et concepit de Spiritu sancto.

Dae Kersmis.

Post partum virgo inviolata permanisti.
Dei Genitrix intercede pro nobis.

ANTIPHONA.

Ave Regina calorum, Ave Domina Angelorum,
Salve radix, salve porta; Ex qua mundo lux
est orta:

Gaude virgo gloriosa, Super omnes speciosa.

Vale o valde decora, Et pro nobis Christum exora.

Dignare me laudare te virgo sacrata.

Da mihi virtutem contra hostes tuos.

ANTIPHONA.

Regina cæli lætare, Alleluia. Quia quem
meruisti portare, Alleluia. Resurrexit sicut
dixit, Alleluia. Ora pro nobis Deum, Alleluia.

Gaude & lætare virgo Maria, Alleluia.

Quia surrexit Dominus verè, Alleluia.

ANTIPHONA.

Salve Regina, mater misericordiæ, vita, dul-
cedo, & spes nostra, salve. Ad te clamamus
exules filij Eve. Ad te suspiramus, gementes &
flentes in hac lacrymarum valle. Eia ergo Ad-
vocata nostra, illos tuos misericordes oculos
ad nos converte, Et Iesum benedictum fructū
ventris tui nobis post hoc exilium ostende. O
clemens, O pia, O dulcis virgo Maria.

Ora pro nobis sancta Dei Genetrix.

Vt digni efficiamur premissionibus Christi.

Lof-fangh

Vooz 't Avondt-Ghebedt.

Op verscheyden toonen, na verscheydenheyt des tijdts, ghelijck in't Roomsche Antiphonar.

V Schepper/vooz den Avondt-stont/
 Wp bidden upt ons herten gront :
 Dat ghy/na uw' barmhertigheyt/
 Ons hoeden wilt vooz alle leydt.
 Onsupb're droomen van ons weert/
 En ons ghedachten tot u keert/
 Dat ghy des vbandts list belet:
 Dat hy ons lichaem niet besmet.
 Geest dit/o Vader/machtigh seer/
 Vooz Jesum Christum onsen Heer/
 Die met u/en den heyl'ghen Gheest
 Altijdt van al moet zijn ghevzeest.
 Amen.

Een ander.

Op de selvighe toon.

Christe die daer zijt dagh en licht/
 De duyfsterne des nachts verlicht
 En wort geloofst des lichts klaerheyt/
 Dat ons een saligh licht verbzept.

Hymnus

Ad Orationem Vespertinam,

*Tono pro exigentia temporis diverso, ut in
Antiphonario Romano.*

TE lucis ante terminum,
Rerum creator, poscimus,
Ut solita clementia
Sis præsul ad custodiam.
Procul recedant somnia,
Et noctium phantasmata.
Hostemque nostrum comprime,
Ne polluantur corpora.
Præsta Pater omnipotens,
Per Iesum Christum Dominum,
Qui tecum in perpetuum
Regnat, cum sancto Spiritu. Amen.

Alius ejusdem metri.

CHriste qui lux es & dies,
Noctis tenebras detegis,
Lucisque lumen crederis,
Lumen beatum prædicans.

Wy bidden u/o Heere goedt/
 In desen nacht ons toch behoedt/
 En laet ons in u rusten sacht/
 Verleent ons eenen goeden nacht.
 Laet ons geen swaren slaep bevaen/
 Noch ons den vbandt veerden aen/
 Noch 't vleesch hem gheen consent en
 geeb'/
 Dat het vooz u niet schuldigh leeb'.
 Ons ooghen laet doch slayen vyz/
 't Hert altydt waken laet tot dy:
 Uw' rechter handt beschermme/Heer/
 Uw' dienaers/die u minnen seer.
 Beschermme Heere siet ons aen/
 Ons vbanden verdruckt hoort-aen/
 Hegeert uw' dienaers/Heere goet/
 Die ghy ghekost hebt met u bloedt.
 Gedenckt toch onser/Heer/te gaer/
 Die hier zijn in dit lichaem swaer:
 Ghy die des ziels beschermme zijt/
 Staet ons toch hy in onsen strydt.
 Lof/ eer/ moet Godt den Vader zyn/
 Met synen een' gen Soone sijn:
 Den trooster hepder Geest altydt/
 Zp eeuwigh lof sonder respijt. Amen.

E Y N D E.

Precamur sancte Domine,
Defende nos in hac nocte :
Sit nobis in te requies,
Quietam noctem tribue.

Ne gravis somnus irruat,
Nec hostis nos surripiat :
Ne caro, illi consentiens,
Nos tibi reos statuatur.

Oculi somnum capiant,
Cor ad te semper vigilet.
Dextera tua protegat,
Famulos qui te diligunt.

Defensor noster aspice,
Insidiantes reprime.
Guberna tuos famulos,
Quos sanguine mercatus es.

Memento nostri Domine,
In gravi isto corpore,
Qui es defensor anime,
Adesto nobis Domine.

Deo Patri sit gloria,
Ejusque soli Filio,
Cum Spiritu Paraclito,
Et nunc & in perpetuum. Amen.

F I N I S.